



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Svmma Bvllarii Earvmve Svmmorvm Pontificvm
Constitvtionvm Qvae Ad Commvnem Ecclesiae Vsvm post
volumina Iuris Canonici, vsq[ue] ad Sanctissimum D. N.
D. Pavlvn Papam V. emanarunt**

Quaranta, Stefano

Venetiis, 1619

Agnus Dei.

urn:nbn:de:hbz:466:1-10793

hæret. in 6. quo casu ut refert Boss in tit. de hæret. nu. 35. seruatur, vt sola sententia transmittatur. imo solus effectus sententiae.

Et audiens serio confessionem sacram, & absoluendo simulando se presbyterum, est irregularis. Nauar. in man. confess. c. 27. sub nu. 242. fol. 526.

AGNVS DEI.

AGNVS DEI benedicti ne minio inficiantur, nec venales proponantur Gregorij XIII. Constitutione cauetur, Romæ publicata die 11. Iunij 1572. cuius tenor talis est, Omni certe studio, & opera a nobis procurandum est, vt ea tollantur, quæ non conueniunt, ac nostrum, & aliorum bonorum, piorumque Christi fidelium animos offendunt. Itaque prouide considerantes certas formas innocentissimi Agni imagine figuratas, & per Romanos Pontifices statis temporibus consecrari solitas, licet Agni puri, & mundi a Summo Pontifice benedicuntur, ita ab omnibus postmodum immaculatas, non autem auro, & coloribus vllis depictas, sed in sua albedinis mundicie sanctificatas congruenti cum reuerentia teneri, & conseruari debere: Statuimus, & ordinamus, ac sub excommunicationis pena ipso facto incurrenda prohibemus, & interdiciamus, ne quisquam siue vir, siue mulier, secularis, aut ecclesiastici, etiam regularis ordinis ille sit, & quocunque gradu, conditione, statu, nomine, dignitate, & honore præcellat, post hac in perpetuum Agnus Dei per Romanum Pontificem pro tempore existentem benedictos depingere, inficere, minio notare, vel aurum, aut colorem aliquem illis imponere, aut quidquam aliud super inducere, neque depingi, aut miniari facere nec illos venales proponere, seu tenere quouis prætextu qualibetue de causa audeat: verum eos albos, & mundos Agnum illum purum, & innocentem representantes, qui occisus pretiosissimo sanguine suo nos redemit, decenter ac reuerenter a cunctis haberi, deferri, & custodiri præcipimus, & ita ab omnibus fieri, & ceteri debere decernimus. Mandantem omnibus, & singulis locorum ordinarijs per vniuersum Christianum orbem constitutis, eorumque vicarijs in spiritualibus generalibus. vt præsentem nostram constitutionem & prohibitionem in suis quisque ciuitatibus, & diocæsiibus statim publicare procurent, ita vt ad omnium notitiam quam primum peruenire possit. Quicumque vero inobedientes fuerint, præter excommunicationis penam, quam vt præfertur incurrant, etiam alijs penis ipforum ordinariorum, seu vicariorum plecti, & mulctari volumus, & iubemus, non obstantibus constitutionibus, & ordinationibus apostolicis, ceterisque contrarijs quibuscunque, volumus etiam quod præsentium literarum exemplis, etiam impressis manu Notarij publici subscriptis, & sigillo alicuius prælati ecclesiastici ob signatis plena, eademque prorsus fides vbiq; adhibeatur, quæ ipsi præsentibus adhiberetur, si forent exhibitæ, vel ostensæ. Datum Romæ apud Sanctum Petrum, Anno incarnationis Domini cæ millesimo quingentesimo septuagesimo secundo, octauo Kal. Iunij, Pontificatus nostri anno primo.

De significato, & eorum benedictione habetur in libro Cereemoniali vbi in fine sunt infra scripti versus.

Legimus Urbanum V. Pont. Max. misisse ad Imperatorem Gregorium tres Agnus Dei cum versibus infra scriptis.

Balsamus.

10 ALIENATIO RERVM ECCLESIAE.

Balsamus. & munda cera cum chrismatis vnda,
 Confiunt Agnum. quod munus do tibi magnum
 Fonte velut natum. per mystica sanctificatum
 Fulgura de sursum depellit, & omne malignum
 Peccatum frangit vt Christi sanguis, & angit
 Prægnans seruat. simul & partus liberatur
 Munera defert dignis, virtutem destruit ignis
 Portatus munde de fluctibus erripit vnda
 Morte repentina seruat: Satanæq; ruina
 Si quis honoret eum, retinet super hostes tropheum
 Parsq; minor tantum tota valet integra quantum
 Agnus Dei miserere mei
 Qui crimina tollis miserere nobis.

ALIENATIO RERVM ECCLESIAE.

- 1 Quenam iura obseruanda sint in alienatione rerum Ecclesiæ.
- 2 Regula traditur pro validitate alienationis rei ecclesiæ; Ampliatur a num. 15. & limitatur a num. 28.
- 3 Causæ alienationis, & casus a iure permisi sunt idem, & requirunt solemnitates & quenam illæ sint.
- 4 Consensus patroni an requiratur.
- 5 Dispositio huius Paulinæ quæ sit. eius intelligentia, & praxis.
- 6 Prælati iurant non alienare, & quid operatur.
- 7 Assensus Apostolicus, quod importet.
- 8 Assensus debet precedere contractum & quando subsequi num. 11.
- 9 Traditio possessionis ante assensum quid operetur.
- 10 Cautela pro contrahentibus ne incurrant in penas huius Paulinæ.
- 11 Assensus quando subsequitur.
- 12 Euidens utilitas quando attenditur, quæ dicatur, & quid si post assensum reperitur lesio.
- 13 Penæ commissariorum male iudicantium, procurantium, at tali a decreta extorquentium.
- 14 Gerardina constitutio quæ sit, & praxis procedendi in huiusmodi causis.

ALIENATIO rerum Ecclesiæ. Præter Summistas in hoc verbo sciendum est, Paulum III. aliqua constituisse circa alienationem rerum Ecclesiasticarum, quæ Pius III. reduxit ad viam iuris communis, vt in eius Constitutione publica Romæ die 24. Septembris 1560. Incip. Prouida. fol. 68. in Bullariis, adeo quod hodie attenditur dispositio Sacrorum Canonum, præsertim Pauli II. fol. 91. quæ est inter Extræuag. com. sub tit. de reb. Eccles. non alienan. tenoris sequentis:

Ambitiosa cupiditati illorum præcipue, qui diuinis, & humanis affectati damnatione postposita, immobilia, & pretiosa mobilia Deo dicata, ex quibus ecclesiæ, Monasteria, & pia loca regantur illustranturque, & eorum ministri sibi alimoniam vendicant profanis vsibus applicare, aut cum maximo illorum, ac diuini cultus detrimento exquisitis medijs vsurpare præsumunt, occurrere cupientes.

Omni tum rerum, & bonorum ecclesiasticorum alienationem omneq; pactum, per quod